


唐雅

目錄

卷五之七



唐雅第三冊目錄

卷之五

京都部

太宗帝京篇十首

并序

駱賓王帝京篇一首

李百藥賦得魏都一首

褚亮賦得蜀都一首

虞世南賦得吳都一首

關境部

太宗入潼關一首

許敬宗奉和聖製入潼關一首

玄宗早度蒲關一首

張說張九齡徐安貞奉和聖製早度

蒲關應制共三首

玄宗潼關口號一首

張說張九齡奉和聖製潼關口號應

制共二首

張九齡奉和聖製經函谷關作一首

宋之問龍門應制一首

武三思奉和遊龍門應制一首

橋梁部

太宗賦得浮橋一首

張九齡天津橋賜宴得歌字一首

張說洛橋北亭詔餞諸刺史一首

蘇頲奉制漕橋東送新除岳牧一首

卷之六

宮殿部

景龍四年正月五日中宗皇帝移仗

蓬萊宮御大明殿會吐蕃騎馬之

戲因重為栢梁體聯句一首

玄宗宮中題一首

李白宮中行樂詞八首

玄宗過晉陽宮一首

蘇頌張說張九齡奉和聖製過晉陽

宮應制共三首

玄宗暇日與兄弟同遊興慶宮作一

王首

張說奉和聖製暇日遊興慶宮作應

制一首

虞世南奉和長春宮應令一首

魏元忠銀潢宮侍宴應制得枝字一

首

宋之問上陽宮侍宴應制得林字一

首

宗楚客奉和幸上陽宮侍宴應制一

徐彥伯武平一奉和幸新豐溫泉宮

宋應制一首

上官昭容駕幸新豐溫泉宮獻詩三

首

郭汭同崔員外溫泉宮卽事一首

李嶠奉教追赴九成宮途中口號一

首

王維勅借岐王九成宮避暑應教一

首

儲光羲述華清宮五首

李華含元殿賦一首

并序

徐賢妃粧殿答太宗一首

徐安貞畫殿侍宴應制一首

李嶠甘露殿侍宴應制一首

宋之問麟趾殿侍宴應制一首

杜審言蓬萊三殿侍宴奉勅詠終南

山應制一首

王昌齡殿前曲二首

樓閣部

太宗初春登樓即日觀作述懷一首

許敬宗奉和初春登樓即日應詔一

首

太宗春日登陝州城樓一首

許敬宗奉和登陝州城樓應制一首

太宗置酒坐飛閣一首

玄宗登蒲州逍遙樓一首

蘇頲奉和聖製登蒲州逍遙樓應制

一首

玄宗首夏華萼樓觀羣臣宴寧王山

亭迴樓下申之以賞樂賦詩一首

字第并

卷之六 張說奉和聖製花萼樓下宴應制一

首

張說春日鳳樓尋勝地一首

孫逖奉和聖製登鴛鴦樓即日一首

王維奉和聖製御春明樓臨右相園

亭賦樂賢詩應制一首

梅妃樓東賦一首

卷之七

宅第部

玄宗過大哥宅一首

張說奉和聖製過寧王宅應制一首

張諤岐王山亭一首

魏元忠修書院學士奉勅宴梁王宅

賦得門字一首

張說修書院學士奉勅宴梁王宅賦

得樹字一首

武三思奉和過梁王宅即日應制一

首

劉憲李又陪幸五王宅應制共二首

鄭愔陪幸昭容院獻詩四首

張易之侍從過公主尚宅侍宴探得

賦風字應制一首

唐雅第三冊目錄 六
趙彥昭蘇頲李邕宋之問沈佺期李
嶠邵昇奉和初春幸太平公主南
莊應制共七首

趙彥昭蕭至忠李迥秀劉憲岑羲薛

稷蘇頲沈佺期李適李義府常元

正旦盧藏用馬懷素宗楚客奉和幸

安樂公主山莊應制共十四首

武平一侍宴安樂公主移入新宅應

制一首

趙彥昭李適沈佺期安樂公主移入

新宅共三首

宋之問宴安樂公主宅得空字一首

徐彥伯李適劉憲崔日用盧藏用馬

懷素薛稷閻朝隱常元旦李迥秀

李乂岑羲蘇頲武平一夜宴安樂

公主宅共十四首

劉憲鄭愔李乂崔湜李嶠李適侍宴

長寧公主東莊應制共六首

唐詩集卷之四
李义奉和幸長寧公主山莊應制一
首

武后遣使宣詔幸上苑一首

儲光羲玉真公主山居一首

王維奉和聖製幸玉霄公主山莊因

題石壁十韻之作應制一首

張說劉憲蘇頲沈佺期盧僎宋之問

趙彥昭崔湜李义武平一李嶠奉

和幸常嗣立山莊侍宴應制共十

一首

李义沈佺期李嶠趙彥昭武平一蘇

頲張說奉和聖製幸常嗣立山莊

應制共七首

沈佺期蘇頲奉和聖製幸禮部尚書

竇希玠宅應制共二首

張說侍宴武三思山第賦得鳳字韻

一首

王維從岐王過楊氏別業應教一首

玉輦游苑如王國尉九原業歌第一首

一首

聖德神武皇帝三思山嶽觀音風宇賦

寶帝在宇熟除共二首

安金瓶菴殿奉味聖德幸靈暗尚書

熟除共十首

唐雅卷第五

大明嘉靖壬子歲直隸常州府無錫縣置板

唐雅第三冊目錄 終

唐雅卷第五

大明嘉靖壬子歲直隸常州府無錫縣置板

京都部

太宗帝京篇十首 并序

余以萬機之暇遊息文藝觀列代之皇

王考當時之行事軒昊舜禹之上信無

間然矣至於秦皇周穆漢武魏明峻宇

雕墻窮侈極麗征稅殫於宇宙轍迹徧

於天下九垓無以稱其求江海不能贍

其欲覆亡顛沛不亦宜乎余追蹤百王之末馳心千載之下慷慨懷古想彼哲人庶以堯舜之風蕩秦漢之弊用咸英之曲變爛熳之音求之人情不爲難矣故觀文教於六經閱武功於七德臺榭取其避燥濕金石尚其諧人神皆節之於中和不係之於淫放故講溫可悅何必江海之濱乎麟閣可玩何必兩陵之間乎忠良可接何必海上神仙乎豐鎬可游何必瑤池之上乎釋實求華以人求欲亂於大道君子耻之故述帝京篇以明雅志云爾

秦川惟帝宅函谷壯皇居綺殿千尋起離宮
百雉餘連薨遙接漢飛觀迴凌虛雲日隱層
闕風煙出綺䟽
巖廊罷機務崇文聊駐輦玉匣啓龍圖金繩
披鳥篆韋編斷方續縹帙舒還卷對此乃忘
憂歎案觀墳典

移步出詞林停輿欣武宴
瑠弓寫明月駿馬
疑流電驚鴈落虛弦
啼猿悲急箭閱賞誠多
美於茲乃忘倦

鳴笳臨樂館眺聽歡
芳節急管韻朱絃清歌
凝白雪彩鳳肅來儀
玄鶴紛成列去茲鄭衛
聲雅音方可悅

芳辰追逸趣禁苑信多奇
橋形通漢上峯勢
接雲危煙霞交隱映
花鳥自參差何如肆轍
跡萬里賞瑤池

飛蓋去芳園蘭橈遊翠渚
梁間日影亂落處
香風舉桂楫滿中川
絃歌振長嶼豈獨汾河
曲方爲歡宴所

落日雙闕昏迴輿九重暮
長煙引初碧皎月
澄輕素寒幌翫琴書
開軒引雲霧斜漢耿層
閣清風搖玉樹

歡樂難再逢芳辰良可惜
玉酒泛雲壘蘭肴
陳綺席千鍾合堯禹
百獻諧金石得志重寸
陰忘懷輕尺璧

建章歡賞夕二八盡妖妍羅綺昭陽殿芬芳
璚瑁筵珮移星正動扇掩月初圓無勞上玄
圃卽此對神仙
以茲遊觀極悠然獨長想披卷覽前踪撫躬
尋既往望古茅茨約瞻今蘭殿廣人道惡高
危虚心戒盈蕩奉天竭誠敬臨民思惠養納
善察忠諫明科慎刑賞六五誠難繼四三非
易仰庶待淳化敷方嗣云亭響

駱賓王帝京篇一首

世稱王楊盧駱爲四傑楊盈川之爲文
好以古人姓名連用如張平子之略談
陸士衡之所記潘安仁宜其陋矣仲長
統何足知之人號爲點鬼簿賓王之爲
文好以數對如帝京篇云秦地重關一
百二漢家離宮三十六人號爲筭博士
又云倏忽搏風生羽翼頃臯失浪委泥
沙賓王後與徐敬業起兵揚州大敗逃
死此其識也

山河千里國城闕九重門不覩皇居壯安知
天子尊皇居帝里峻函谷鶉野龍山候甸服
五緯連影集星躔八水分流橫地軸秦地重
關一百二漢家離宮三十六桂殿陰岑對玉
樓椒房窈窕連金屋三條九陌麗城隈萬戶
千門平旦開複道橫通鳩鵲觀交衢直指鳳
凰臺劔履南宮入簪纓北闕來聲名冠寰宇
文物象昭回鈞陳蕭蘭彫璧沼浮槐市銅雀
應風迴金莖承露起校文天祿閣習戰昆明
水朱邸抗平臺黃扉通戚里平臺七里帶崇
墉炊金饌玉待鳴鍾小堂綺帳三千戶大道
青樓十二重寶蓋雕鞍金絡馬蘭窓繡柱玉
盤龍綉柱璇題粉壁映鏘金鳴玉王侯盛王
侯貴人多近臣朝遊北里暮南隣陸賈分金
將燕喜陳遵投轄正留賓趙李經過密蕭朱
交結親丹鳳朱城白日暮青牛紺幘紅塵度
俠客朱彈垂楊道娼婦銀鈎採桑路娼家桃
李自芳菲京華遊俠事輕肥延年女弟雙鳳

入羅敷使君千騎歸同心結縷帶連理織成
衣春朝桂尊尊百味秋夜蘭燈燈九微翠幌
朱簾不獨映清歌寶瑟自相依且論三萬六
千是寧知四十九年非古來名利若浮雲人
生倚伏信難分始見田竇相移奪俄聞衛霍
有功勲未厭金陵氣先開石擲文朱門無復
張公子灞亭誰畏李將軍相顧百齡皆有待
居然萬化咸應改桂枝芳氣已銷亡栢梁高
宴今何在春去春來若自馳爭名爭利徒爾
爲久留郎署終難遇空鎖相門誰見知當時
一旦擅豪華自言千載長驕奢倏忽搏風生
羽翼須臾失浪委泥沙黃雀徒巢桂青門遂
種瓜黃金銷鑠素絲變一貴一賤交情見紅
顏宿昔白頭新脫粟布衣輕故人故人有湮
淪新知無意氣灰死韓安國羅傷翟廷尉已
矣哉歸去來馬卿辭蜀多文藻楊雄仕漢乏
良媒三冬自矜誠足用十年不調幾遭迴汲
黯薪逾積孫弘閣未開誰惜長沙傳獨負洛

陽才
李百藥賦得魏都一首

炎運精華歇清都寶命開帝里三方盛王庭
萬國來玄武疏遙陞金鳳上層臺乍進仙童

藥時傾避暑杯南館招奇士西園引上才還
有劉公幹疲病清漳隈

褚亮賦得蜀都一首
列宿光參井分芒跨梁岷沉犀對江浦駟馬

入城闈英圖多霸跡歷選有名臣連騎管
滿含章詞賦新得上仙槎路無待訪嚴遵

虞世南賦得吳都一首
畫野通淮泗星躔應斗牛玉牒宏圖表黃旗

美氣浮三分開霸業萬里宅神州高臺臨茂
苑飛閣跨澄流江濤如素蓋海氣似珠樓吳

趨自有樂還似鏡中遊
關境部

太宗入潼關一首
嶠函稱地險襟帶壯兩京霜峯直臨道冰河

唐利卷五
曲繞城古木參差影寒猿斷續聲冠蓋往來
合風塵朝夕驚高談先馬度僞曉預鷄鳴棄
繻懷遠志封泥負壯情向有真人氣安知名
不名

許敬宗奉和聖製入潼關一首

曦馭循黃道星陳引翠旗濟潼紆萬乘臨河
耀六師前旌彌大海後騎發通伊勢踰迴地
軸威盛轉天機是節歲窮紀關樹蕩涼颺仙
霧含靈掌瑞鼎照川湄沖襟賞臨睨高詠入

京畿

玄宗早渡蒲關一首

鍾鼓嚴更曙山河野望通鳴鑿下蒲坂飛旆
入秦中地險關逾壯天平鎮尚雄春來津樹
合月落成樓空馬色分朝景鷄聲逐曉風所
希常道泰非復棄繻同

張說奉和聖製早渡蒲關應制一首

蒲坂橫臨晉華芝曉望秦關城雄地險橋路
扼天津樓映行宮日隄含官樹春黃雲隨寶

鼎紫氣逐真人東詠唐虞跡西觀周漢塵山
河非國寶明主愛忠臣

張九齡奉和聖製早渡蒲關應制一

首

魏武中流處軒皇問道迴長堤春樹發高掌
曙雲開龍負王舟渡人含仙氣來汀津會日
月天象役風雷東顧重關盡西馳萬國陪遠
聞股肱郡元首詠康哉

徐安貞奉和聖製早渡蒲關應制一

首

仙掌臨秦甸虹橋闢晉關兩都分地險一曲
渡河灣路得津門要時稱古戍閑城花春正
發岸柳曙堪攀後乘猶臨水前旌欲換山長
安迴望日宸御六龍還

玄宗潼關口號一首

河曲回千里關門限二京所嗟非恃德設險
到天平

張說奉和聖製潼關口號應制一首

天德平無外關門東復西不將千里隔何用
一丸泥

張九齡奉和聖製潼關口號應制一
首

隱嶙故城壘荒涼空戍樓在德不在險方知
王道休

張九齡奉和聖製經函谷關作一首
函谷雖云險黃河復已清聖心無所隔空此
置關城

宋之問龍門應制一首

武后遊龍門命羣臣賦先成者賜以錦
袍左史東方虬詩成拜賜坐未安之問
詩後成文理兼美左右莫不稱善乃就
奪錦袍衣之

宿雨霽氛埃流雲度城闕河堤柳新翠苑樹
花先發洛陽花柳此時濃山水樓臺映幾重
羣公拂霧朝翔鳳天子乘春幸鑿龍鑿龍近
出王城外羽從淋漓擁軒蓋雲蹕纔臨御水

橋天衣已入香山會山壁嶄巖斷復連清流
澄澈俯伊川塔影遥遥綠波上星龕奕奕翠
微邊層巒舊長千尋木遠壑初飛萬丈泉綵
仗紅旌遶香閣下輦登高望河洛東城宮闕
擬昭回南陌溝塹殊綺錯林下天香七寶臺
山中有酒萬年杯微風一起祥花落仙樂初
鳴瑞鳥來鳥來花落紛無已稱觴獻壽香霞
裡歌舞淹留景欲斜石間猶駐五雲車鳥旗
翼翼留芳草龍騎駸駸映晚花千乘萬騎鑿
輿出水靜山空巖警蹕郊外喧喧引看人傾
都南望屬車塵囂聲引颺聞黃道王氣周回
入紫宸先王定鼎山河固寶命乘周萬物新
吾君不事瑤池樂時雨來觀農扈春

武三思奉和遊龍門應制一首

鳳駕臨香地龍輿上翠微星宮含雨氣月殿
抱春輝碧澗長虹下雕梁早燕歸雲疑浮寶
蓋石似拂天衣露草侵堦長風花繞席飛日
斜宸賞洽清吹入重闈

橋梁部

太宗賦得浮橋一首

曲岸非千里橋斜異七星暫低逢輦度還高
值浪驚水搖文鷁動纜轉錦花縈遠近隨輪
影輕重應人行

張九齡天津橋賜宴得歌字一首

清洛象天河東流形勝多朝來逢宴喜春盡
却妍和泉鮪歡時躍林鶯醉裏歌賜恩頻若
此爲樂柰人何

張說洛橋北亭詔餞諸刺史一首

離亭拂御溝岸曲舞船樓詔餞朝廷牧符分
海縣憂股肱還入郡父母更臨州扇逐仁風
轉車隨霖雨流恩光水上溢榮色柳間浮預
待羣方最三公不遠求

蘇頲奉制漕橋東送新除岳牧一首

寶賢不遺俊臺閣盡鴛鸞未若安人切其如
簡帝難上才膺出典中旨念分宮特以專城
貴深惟列郡安政行思務本風靡屬勝殘有

令田知急無分獄在寬至言題睿札殊渥灑
仙翰詔餞三台降朝榮萬國歡舉盃臨水發
張樂擁橋觀式佇東封會鏘鏘檢玉壇其賦

唐雅卷第五

唐雅卷第六

大明嘉靖壬子歲直隸常州府無錫縣置板

宮殿部

景龍四年正月五日中宗皇帝移仗

蓬萊宮御大明殿會吐蕃騎馬之戲

因重為栢梁體聯句一首

大明御寓臨萬方中宗皇帝顧慙內政翊陶唐皇帝

后長寧公主鸞鳴鳳舞向平陽長寧公主秦樓魯館沐恩光

安樂太平公主無心為子輒求郎太平公主雄才七步謝陳

王温王重茂當熊讓輦愧前芳上官昭容再司銓管恩

可忘郎吏部侍郎崔湜文江學海思濟航鄭惜萬邦

考績臣所詳考功員外郎武平一著作不休出中腸著作

郎閻朝隱權豪屏跡肅嚴霜御史大夫竇從一鑄鼎開嶽

造明堂將作大匠宗晉卿玉醴由來獻壽觴吐蕃舍人明悉獵

玄宗宮中題一首日中宗皇帝詩六

輦路生春草上林花發時憑高何限意無復

待臣知

李白宮中行樂詞八首并序

白才逸氣高與陳拾遺齊名玄宗召入

翰林以其才藻絕人器識兼茂便以上

位處之故未命以官嘗因宮人行樂謂

高力士曰對此良辰美景豈可獨以聲

伎為娛倘時得逸才詞人詠出之可以

誇耀於後遂命召白時寧王邀白飲酒

已醉既至拜舞頽然上知其薄聲律謂

非所長命為宮中行樂五言律詩八首

白頓首曰寧王賜臣酒今已醉倘陛下

賜臣無畏始可盡臣薄技上曰可卽遣
二內臣腋扶之命研墨濡筆以授之又
令二人張朱絲欄於其前白取筆佇思
畧不停綴八篇立就更無加點筆迹適
利鳳趺龍拏律度對屬無不精絕常出
入宮中恩禮殊厚竟以踈縱乞歸

小小生金屋盈盈在紫微山花插寶髻石竹
繡羅衣每出深宮裏常隨步輦歸只愁歌舞
散化作綵雲飛

柳色黃金嫩梨花白雪香玉樓巢翡翠金殿
鎖鴛鴦選妓隨雕輦徵歌出洞房官中誰第
一飛燕在昭陽

盧橘爲秦樹蒲萄出漢宮烟花宜落日絲管
醉春風笛奏龍吟水簫鳴鳳下空君王多樂
事還與萬方同

玉樹春歸日金宮樂事多後庭朝未入輕輦
夜相過笑出花間語嬌來竹下歌莫教明月
去留着醉嫦娥

唐雅卷六
三
繡戶香風暖紗窗曙色新宮花爭笑日池草
暗生春綠樹聞歌鳥青樓見舞人昭陽桃李
月羅綺自相親

今日明光裏還須結伴遊春風開紫殿天樂
下珠樓豔舞全知巧嬌歌半欲羞更憐花月
夜宮女笑藏鈎

寒雪梅中盡春風柳上歸宮鶯嬌欲醉簷燕
語還飛遲日明歌席新花豔舞衣晚來移綵
仗行樂泥光輝

水綠南薰殿花紅北闕樓鶯歌聞太液鳳吹
繞瀛洲素女鳴珠珮天人弄綵毬今朝風日
好宜入未央游

興太風玄宗過晉陽宮一首

緬想封唐處寔惟建國初俯察伊晉野仰觀
乃參虛井邑龍躍斯城池鳳翔餘林塘猶沛
澤臺榭宛舊居運華析中否時遷命待茲顧
循承丕構怵惕多憂虞尚恐威不逮復慮化
未孚豈徒勞轍跡所期訓戎車習俗問黎人

觀巡慰里閭永言念成功頌德臨康衢長懷
經綸日嘆息履庭隅艱難安可忘欲去良踟
躕

蘇頌奉和聖製過晉陽宮應制一首

隋運與天絕生靈厭氛昏聖期在寧亂士馬
興太原立極萬邦推登庸四海尊慶膺神武
帝業付皇曾孫緬慕封唐首追惟歸沛魂詔
書感先義典禮循舊藩高殿綵雲合春旗祥
風翻率西見汾水奔北空塞垣欵曲兒童佐
依遲故老言里頒慈惠賞家授復除恩下輦
崇三都建碑當九門孝思敦至美億載奉開
元

張說奉和聖製過晉陽宮應制一首

太原俗尚武高皇初奮庸星軒三晉躔土樂
二堯封北風逐舉鵬西河亦上龍至德起王
業繼明賴人雍六合啓昌期再興廣聖蹤傳
呼大駕來文物如雲從連營火百里繼觀人
千重翠華渡汾樓白日臨罕峯粉榆恩賞洽

桑梓舊情恭往運感不追清時惜難逢詩發
尊祖心頌刊盛德容願君及春事迴輿綏萬
邦

張九齡奉和聖製過晉陽宮應制一

首為高皇以本畫風神三晉圖上樂

隋季失天策萬方罹凶殘皇祖稱義旗三靈
皆獲安聖期將中錫王業成艱難盜移未改
命曆在終履端彼汾惟帝鄉洪都信鬱盤一
月朔巡狩羣后陪清鑿霸迹在沛庭舊儀觀

漢官唐風思何深舜典敷更寬家蒙粉榆復
邑爭牛酒歡緬惟翦商後豈獨微雨歎三后
既在天萬年斯石刊尊祖實我皇天文皆仰
觀

玄宗暇日與兄弟同遊興慶宮作一

首并序

暇日與兄弟同遊興慶宮登勤政務本
及華萼相輝之樓所以觀風俗而勸人
崇友于而敦睦詩以言志歌以永言情

發於衷率題此什

代邸青門右離宮紫陌垂庭如過沛日水若
渡江時綺觀連雞岫朱樓接鴈池從來敦棣
萼今此茂荆枝萬葉傳餘慶千年志不移憑
軒聊矚目輕輦共追隨務本方崇訓相輝保
羽儀時康俗易漸德薄政難施鼓吹迎飛蓋
絃歌送羽卮所希覃率土孝弟一同規

張說奉和聖製暇日遊興慶宮作應

制一首

漢武橫汾日周王宴鎬年何如造區夏復此
睦親賢巢鳳新成閣飛龍舊躍泉棣華歌尚
在桐葉戲仍傳禁禦氛埃隔平臺景物連聖
慈良有裕王道固無偏問俗兆人阜觀風五
教宣獻圖開益地張樂奏鈞天侍酌衢樽滿
詢芻諫鼓懸永言刑友愛萬國共周旋
言昔並虞世南奉和長春宮應令一首
貞觀
年閏二
月丙戌

瑤山盛風樂南皮務逸游何如事巡撫民瘼

諒斯求文鶴揚輕蓋蒼龍飾桂舟汎沫縈沙
嶼寒澌擁急流路指八仙館途經百尺樓眷
言昔遊踐迴駕且淹留後車喧鳳吹前旌映
綵旂龍驂駐六馬飛閣上三休調諧金石奏
歡洽羽觴浮天文徒可仰何以廁琳球

魏元忠銀潢宮侍宴應制得枝字一

首

別殿秋雲上離宮夏景移寒風生玉樹涼氣
下瑤池澗花仍吐葉巖木尚抽枝願奉南山
壽千秋長若斯

宋之問上陽宮侍宴應制得林字一

首

廣樂張前殿重裘感聖心砌蕙霜月盡庭樹
雪雲深舊渥驂宸御慈恩忝翰林微臣一何
幸再得聽瑤琴

宗楚客奉和幸上陽宮侍宴應制一

首

紫庭金鳳闕丹禁玉雞川似立蓬瀛上疑遊

崑閩前鳥將歌合轉花共錦爭鮮湛露飛堯
酒薰風入舜絃水光搖落日樹色帶晴煙向

夕迴瑤輦佳氣滿巖泉

幸再詩徐彥伯奉和幸新豐溫泉宮應制一

首

景龍三年十二月十二日中宗皇帝駕

幸溫泉宮勅蒲州刺史徐彥伯入仗同

學士例因與武平一等獻詩上官昭容

亦賦七言絕句詩三首以獻○新豐在

臨潼東十五里漢高帝因太上皇思故

並移粉榆舊社街衢棟宇一如豐里舊

制雖雞犬混放亦知其家而歸焉

姬典歌時邁虞編記省方何如黑帝月玄運

白雲鄉翠仗縈船岸明旂應箕陽風搖花朶

彩雲艷寶戈芒御陌開油次離宮夾樹行桂

枝籠驪褭松葉蔭堂皇仙女含珠液溫泉池孕

璧房湧疑神瀆溢泛若帝臺漿獨沸流常熱

善佳卷六

潛蒸氣轉香青壇環玉甃紅淀鑠金光藻曜
凝芳潔歲蕤獻淑祥五龍歸寶箒九鴈吐時
康同預華封老中衢祝聖皇
白雲嶽武平一奉和幸新豐溫泉宮應制
秦王登碣石周后襲崑崙何必在遐遠方稱
萬寓尊我皇順時豫星駕動軒轅雄戟交馳
道清笳度國門迴輿長樂觀校獵上林園行
漏移三象連營揔八屯旌搖鸚鵡谷騎轉鳳
皇原絕壁蒼苔古靈泉碧溜温參差開水殿
窈窕敞巖軒豐邑模猶在驪宮迹尚存烟松
街翠幄雪逕遶桃源侍從推玄草文章召武
賁深仁浹夷夏大造溢乾坤謬忝王枚列多
慚雨露恩

上官昭容駕幸新豐溫泉宮獻詩三

首

三冬季月景龍年萬乘觀風出灞川遙看電
躍龍爲馬迴矚霜原玉作田

鸞旂掣曳拂空回羽騎驂驪躡景來隱隱驪
山雲外聳迢迢御帳日邊開
翠幕珠帷敞月營金壘玉竿泛蘭英歲歲年
年常扈蹕長長久久樂昇平

郭汭同崔員外溫泉宮卽事一首

輦輅移雙闕宸遊整六師天迴紫微座日轉
羽林旗霜氣寒戈戟軍容壯武貔弓鳴射鴈
處泉暖躍龍時惠化成觀俗謳謠入賦詩回
歡王道盛相與咏雍熙

李嶠奉教追赴九成宮途中口號一

委質承仙翰祇命遄搖策事偶從梁遊人非
背淮客長驅歷川阜迴眺窮原澤鬱鬱桑柘
繁油油禾黍積雨餘林氣靜目下山光夕未
攀叢桂巖猶倦飄雲陌行當奉麾蓋慰此勞
行役

王維勅借岐王九成宮避暑應教一

首

帝子遠辭丹鳳闕天書遙借翠微宮
隔窻雲霧生衣上卷幔山泉入鏡中
林下水聲喧語笑巖間樹色隱房櫳
仙家未必能勝此何事吹簫向碧空

儲光羲述華清宮五首

天寶六年冬十月玄宗皇帝如驪山溫

泉宮名其宮曰華清

上在蓬萊宮莫若居華清朝朝禮玄閣
日日聞體輕大聖不私已精禋爲群氓

上在蓬萊時六龍儼齊首長道舒羽儀
彤雲映前後天聲殷宇宙真氣到林藪

昔在軒轅朝五城十二樓今我神泉宮
獨在驪山陬羣方趨順動百辟隨天遊

正月開陽和通門緝玄化穆穆粹容歸
豈爲明燈夜高山大風起肅肅隨龍駕

上林神君宮此地卽明庭山開鴻濛色
天轉招搖星三雪報大有孰爲非我靈

李華含元殿賦一首

并序

宮殿之賦論者以靈光爲宗然諸侯之遺事蓋務恢張飛動而已自茲已降代有辭傑播於聲頌則無聞焉夫先王建都營室必相地形詢卜筮考農隙工以子來虞人獻山林之榦太史占日月之吉雖班張左思角立前代未能備也而曩之文士賦長笛洞簫懷握之細則廣言山川之阻採伐之勤至于都邑宮室宏模廓度則略而不云其體病矣至若陰陽慘舒之變宜於壯麗棟宇繩墨之間鄰於政教豈前修不逮將俟聖德而啓臣心輒極思慮作會元殿賦陋百王之制度出羣子之胷臆非敢厚自夸耀以希名譽欲使後之觀者知聖代有頌德之臣焉其辭曰

維皇高宗穆端命于玄穹萬有千歲鍾景祚于洪裔建北宮之尊嚴上取法於天帝乃圖正殿之迨居規崇山而定制信神明幽贊而

人謀襲契不然何前王曠此之雄麗也先是
大司空帥其屬執度而相之曰美哉川原鶩
乎其大坦坤靈兮配乾剛坤順乾而爲龍舒
廣衍兮走羣山紛卻面而朝宗陵正陽之奕
鬱佳氣之苾苾蓋昊天之作而黃祇授元聖
獲以造新宮也乃審于龜筮龜筮協從太上
以告神人咸同皇曰欽哉是將而爲朕宮因
以鴻稱會元建名易乾坤之說曰含弘光大
又曰元亨利貞括萬象以爲尊特巍巍乎上

京則命徵般爾之匠下荆揚之材操斧執斤
者萬人涉磧礫而登崔嵬擇一榦於千木規
大壯於喬枚聲坎坎於青雲若神踣而顛摧
勢動連崖拉風挫雷倒勁梢於窮谷斬巨柢
於昭回時也山祗效靈波神作氣爲桴爲箴
羽疊鱗萃朝泛江海夕出河渭雲奔山移交
積于作宮之地於是農事旣收靈臺勿亟子
來而就役者周邦畿而薄四海咸忘勞而獻
力乃張爲廣庭考正極星邦伯是經國工研

精刻盤岡以爲趾太階積而三重因博厚而
順高明築凌天之四痛四痛旣列太階如截
下上相領嶽蕞以沈沈其始也星鉅電交於
萬堵霜鋸氷解於千尋擁林爲山積榦爲林
乃十日星之吉以成帝室虹梁勁於中極棟
桶艤以礮密折姑蘇以爲楹隳喬山以爲碩
亂重簷以切霞烟素壁以留日神標峻橘鬼
疊層楣高卑迭柜尋尺相持木從繩而後正
棟操宇而不危階瑩氷級瓦敷鱗差蕩晶景
而升降歛聒皆以交輝聳大厦之竒傑勢將
頓而復飛爰詔有司練日推時徵考室於周
頌會公卿以發之丕赫哉如俯如跂若合若
離踈森脩遽以窅徼悅駸駸而巖巍謂衝飈
激海兮漩齋淪以無底奔雷觸山兮掉巘嶸
而顧敝石鮫拖首於堂廡狀出雲而撐鬢崇
高之制靈丘上盤鄰斗極之光輝邇天漢之
波瀾察鑿枘之吞吐吸山巖而水攢建升龍
之大旆邈不至於階端崢嶸孱顏下視南山

照燭無間七耀迴環啟呼咸反欲赫以突兀攄

闕弘以蕭撤捧帝座於三辰街天衢之九達

進而仰之騫龍首而張鳳翼退而瞻之岌樹

巔而崒雲末疑兮峩峩巨鼇戴仙山而出滄

波劃兮煌煌燭龍堦穹宥而臨北方排層城

而廓帝居豁閭闔而面蒼蒼左翔鸞而右栖

鳳翹兩闕而爲翼環阿閣以周墀象龍行之

曲直夾雙壺以鴻洞啓重闌之呀赫趨堂塗

之未半望宸居而累息惟上聖之欽明爰聽

政而布德去雕璣與金玉絀漢京之文飾懺

丹雘於菱薈抗重霄而競色若乃紫微晨暘

彤墀夜明雲薄萬拱風交四榮冬止其陽則

釋裘而燠夏休其陰則捐絺以清旂獵風而

振響葉墜露而成聲懸櫺駢湊竦柱奔列複

檻曾綴高窻景蕪黔烏敢反日翳而采連睽天

開而中絕形持神而欲離足便步而將跌睽

昭訓之崇崇璘光範之揭揭其南則丹鳳啓

途遐矚荆吳十扇開閉陰陽睢盱容鼎七局

方駕五車示王者之無外不樹屏於清都望
仙關於巽維建福敞於坤隅偃朱旗而橐玄
甲屯仡仡之驍夫其後則深闈秘殿曼宇踈
楹瑞木交陰玄墀砥平鮮風歷廡凌霰飄英
蔭藹武闈增華穆清玉燭內融則嘉盛豐備
太陽臨照而天下文明古有六寢御茲一人
今也三朝繇古是因布大命於宣政澹玄心
於紫宸羲和弭節於通乾望舒停景於觀象
密勿旒辰臣人是仰左黃閣而右紫微命伊
臯以爲長其下則鷩冠魚服良家茂族厲禁
非宜金吾領之其前則置兩石以卹刑張三
侯以興武告善之旌登聞之鼓節晷漏於鍾
律架危樓之筍簾以辨內外之差以正東西
之序天光流於紫庭倒景入於朱戶騰祥雲
之郁靄映旭日之蒼籠清渠導於元氣玉樹
生於景風夷坦數里徘徊無窮羅千乘與萬
騎曾不得半乎其中厥初經營天下旣義文
物未周孤其壯麗蓋重施於勞非不懷也乃

眷睿孫睿孫開元萬寓晏清而大和奄書契之所論既克廣於崇構聲明備而益尊蓋聖皇之孝也揮綽變化兮動搖乾坤其東於是弘文教而開館對日精之清闕蓋左學之遺制協前王之講德其西於是延載筆之良史俯月華之峻扉集賢人於別殿朝命婦於中闈王風闡而成化陰教備而不虧加以詠周詩而展親睦魯衛而敦叙因命族之來宴置更衣之豐宇至於殿內諸曹則左右有局通軒並廡物有恒司供無廢舉又有銀璫珥貂寺人巷伯奉宣出納之命更踐宮中之役熊羆之旅董以龍武矛戟森森材官羽林聲破丘山氣礮飛沈瓜抉干鈞跟騰百尋克壯皇威協比其心其外則校人掌馬天駟在閑以備順遊放牧其間望我鸞和陟彼高山猶慮憲章或遺國容未備乃立掌匭之司館通事之史職在達下情于上天徹王言於有位墀通太極墜指龍池重門內注複道潛移幽峻

肅以相屬光彤融以熳熳玄象著明帝座維
三皇居設位俯察仰參冀室正中游宮次南
北起含光其容耽耽摠而言之如山之壽則
曰蓬萊如日之昇則曰大明自茲而北燕遊
所經達于苑囿不可殫名周廬更可匝以環
衛南端百仞上極霄際却視耽崮經途廣深
繚以層城黜爲重陰至若時雨膏田九農懷
暢雲歸山穴儵以昭曠白日麗於宮隅混晶
光而益壯於是風師歛威織埽不升頰絕搖
芒葉無翻稜自中經外鏡洗川澄弦直閭闔
井畫溝塍靡迤秦山陂陲漢陵知稼穡之艱
難見皇王之廢興及乎玄冥戒寒海神飛雪
瑤城粉野琪樹森列玉宇璇階雲門露闕天
華爽霽朗日朝徹赤旗降庭朱柱豔月仰白
帝而金精開披河宮而銀燭發其或蠻夷不
至帝用興戎降元帥於天上發神謀於禁中
皇靈震耀殄厥渠凶矯矯武臣此焉獻功效
俘虜而陳器械恢莫大之威容爾乃時殷仲

冬日正南至上公奉羊羣后在位一人壽昌
萬國承賜式燕以樂欣欣且醉乃撞宮懸磬
磻天地及乎獻歲元辰東風發春懸法象魏
與人惟新儼文物於王庭兼九伐而宿陳威
儀之嚴山嶽振若太一披網緼而俯百神旣
而咸造勿褻會朝清明璿柄指寅寢闈發扃
皇帝御袞龍之法服佩蒼璧之純精執鎮圭
導朱紘降輦登階微聞玉聲於是典禮之官
輦王就位南面穆然至若甸侯采衛要荒蠻
貊輸其方賈罔不來格統以千官六卿二伯
司儀敘進象胥重譯肅肅委皮乾乾奠璧設
以庭燎天烘地赫雷鼓殷殷朱干玉戚神籥
如生熊羆愕眙危昂歆向歆爛歎射金根玉
輅太常少伯火烈門旂霜交陛戟乃進元元
以觀禮琕億兆之增金吾南首麾之以肱迺
攀援而聳仰齊屨企而冠騰太史來告卿雲
勃興灑豐澤於生人答上玄之休徵申命司
冠緩刑冢卿降德秩山川而問耆老周雨露

而均邦國華戎竭歡喜氣闐塞揭金雞於太
清炫晨陽於正色慶抃之聲不踰辰而雷四
域當斯時也驅周驟漢於廓煥爛王臨于朝
天地貞觀靈宮巖巖上下交贊蓋所以法乾
道而遵帝度豈唯安體而明威者哉夫瑤臺
之靡不可以刑萬國土階之陋不可以儀天
地奢不遜而儉固允執中于大位洪範曰皇
建其有極富哉上聖之宏議也詩歌楚室頌
美泮宮諸侯之事也雲夢甘泉晏恢景福僻
王之志也論諸侯曷若戴天子嘉僻王曷若
尊聖人烈烈盛唐祖武宗文五帝赧德六王
慙勛而政本乎慈用過乎儉夫蒼生所奉者
惟君所愛者惟親寧有君親宅體於卑室而
臣子得安其身乎故有熊明堂帝姚總章從
人欲也天垂定心星易有大壯君人者法焉
聖朝猶斥其華而凭其質今是殿也者唯鐵
石丹素無加飾焉身居玄眇心與萬姓同畎
畝之勞以是臨衆何衆不賓以是享神何神

不若其德歟雖欲宮崑崙而館不周城八極
而隍四海猶未足儲鴻醇而俯丕耀豈咸鎬
一京之所在崇四續之前式勅懷鈞之小臣
彼儲書於禁中正百代之遺文由是循環天
造耳目惟新敢頌成功告于神宗無愧斯干
之什式昭聖德之容頌曰

帝作含元含元言言萃若日觀呀爲天門泰
階三層達于崑崙鎮茲秦野揭以周原烈文
祖宗永錫孝孫孝孫有慶于以施令奄甸萬

姓受天休命歌之頌之管磬宜之穆穆皇君
壽考無期旣成斯文客有勸之止者對曰前
王之光祥絕瑞乃聖朝之細事今休徵已厭
于聰明頌聲亦飶於天意和歌竊抃乃臣子
之本志又焉足以薦聞哉客曰不然今至尊
明發不寐有懷先王周文之孝也允恭克讓
光溢海外堯舜之謙也自卽位以來上下之
休嘉神人之詠歌歌於睿躬則固辭頌於宗
廟則無斁今吾子之文明昭乎累聖之耿光

美于大君之孝德可進而退宜言而默使雅
頌之音卷而不舒猶坦蕩其胷臆無乃過歟
爲人之下者有可達於君親雖濱于死亦冒
行之况宗廟啓其心哉臣華嘗聞遷善之規
願附升歌之末

徐賢妃粧殿答太宗一首

朝來臨鏡臺粧罷暫徘徊千金始一笑一召
詎能來

徐安貞畫殿侍宴應制一首

校文常近日賜宴忽昇天酒正傳杯至饗人
捧案前玉階鳴溜水清閣引歸烟共惜芸香
暮春風度幾年

李嶠甘露殿侍宴應制一首

月宇臨丹地雲窻網碧紗御筵陳桂醕天酒
酌榴花水向浮橋直城連禁苑斜承恩恣歡
賞歸路滿烟霞

宋之問麟趾殿侍宴應制一首

麟趾殿在長安城漢明帝建嘗集公卿

有文學者八十人於此刊校經史公職
北闕層城峻西宮複道懸乘輿歷萬戶置酒
望三川花柳含丹日山河入綺筵欲知陪賞
處空外有飛烟

杜審言蓬萊三殿侍宴奉勅詠終南

山應制一首

北斗掛城邊南山倚殿前雲標金闕迥樹杪
玉堂懸半嶺通佳氣中峯繞瑞烟小臣持獻
壽長此戴高天

王昌齡殿前曲二首

貴人妝梳殿前催香風吹入殿後來仗引笙
歌大宛馬白蓮花發照池臺
胡部笙歌西殿頭梨園弟子和涼州新聲一
段高樓月聖主千秋樂未休

樓閣部

太宗初春登樓卽目觀作述懷一首

憑軒俯蘭閣眺矚散靈襟綺峯含翠霧照日
藥紅林鏤丹霞錦岫殘素雪斑岑拂浪低垂

柳嬌花鳥續吟連薨豈一拱衆幹如千尋明
非獨材力終藉棟梁深彌懷矜樂志更懼戒
盈心愧制勞居逸方規十產金
許敬宗奉和初春登樓卽目應詔一

首

旭日臨重壁天眷極中京春暉發芳甸佳氣
滿層城去鳥隨看沒來雲逐望生歌裏霏煙
颺琴上凱風清文波浮鏤檻離景煥雕楹璇
璣體寬政隆棟象端衡文規雖有作凝拱遂
無營沐恩寬改髮將何謝夏成

太宗春日登陝州城樓一首

貞觀十二年

春日登陝州城樓俯眺原野迴舟碧綬
烟霞密翠班紅芳菲花柳卽目川岫聊
以命篇

碧原開霧隰綺嶺峻霞城烟林高下翠日浪
淺深明班紅粧藥樹圓青壓溜荆迹巖勞傳
想窺野訪莘情巨川何以濟舟楫佇時英
許敬宗奉和登陝州城樓應制一首

唐雅卷六
挹荷澱綠宇御溝映朱宮辰旂翻麗景星蓋
曳雕虹學嘖齊柳嫩妍笑發春叢錦鱗文碧
浪繡羽絢青空睿念三階靜遐想二南風

太宗置酒坐飛閣一首

高軒臨碧渚飛簷迴架空餘花攢鏤檻殘柳
散雕櫳岸菊初含藥園梨始帶紅莫慮西山
暗還共盡杯中

玄宗登蒲州逍遙樓一首

長榆息烽火高柳靖風塵北征巡九洛展豫
出三秦昔是潛龍地今爲上理辰時平兼道
秦聊賞遇年春黃河分地脉飛觀接天津一
覽遺芳翰千載肅如神

蘇頲奉和聖製登蒲州逍遙樓應制

一首

在昔堯舜禹遺塵成典謨聖皇東巡狩况乃
經此都樓觀紛迤邐河山幾縈紆緬懷祖宗
業相繼文武圖尚德旣無險觀風諒有孚豈
如汾水上簫鼓事遊娛

玄宗首夏華萼樓觀羣臣宴寧王山
亭迴樓下申之以嘗樂賦詩一首

并序

萬物莫不氣兆乎上而形視乎下鐵石
異品雲蒸並濕草木無心春來咸喜故
聖人弘道先王法天酒星主獻疇之義
需卦陳飲食之象近命羣官欣時樂宴
盡九春之麗景匝三旬之暇日暢飲桂
山棹歌沁水醇以養德味以平心本將
導達陽和助成長育亦朝廷多慶軍國
餘閑者也前月之晦細風飄雨繁絃中
止列席半醉佳辰易失絕興難追良可
惋也今年帶閏節候全晚暑氣猶清芳
草未歇申布雅意復叙初筵披樂善之
邸坐忘憂之觀東郊跬步南山在目足
以締夏首之新嘗補新餘之墜歡朕登
覽上宮俯臨長陌暢衆心之怡虞權歸
騎之逶迤鼓之以瑟琴侑之以筐篚衢
樽意洽場藿思苗賦我有嘉賓之詩奏

唐雅卷之
君臣相悅之樂踟躕西日吟翫乘風不
知衷情發於翰墨也

今年通閏月入夏展春輝樓下風花晚城隅
宴賞歸九歌揚政要六舞散朝衣天喜時相
合人和事不違禮中推意厚樂處感心微別
賞陽臺樂前旬暮雨飛

張說奉和聖製花萼樓下宴應制一

首

萬心翹樂宴三舍緩昌時山接夏雲險臺留

春日遲節移芳未歇興隔賞仍追醉後傳嘉
惠樓前舞聖慈皇恩與時合天意若人期故
發前旬雨新垂湛露詩

張說春日鳳樓尋勝地一首

開元十八年二月初令百官於春月旬
休選勝行樂自宰相至員外郎凡十二
筵各賜錢五千緡或御花萼樓邀其歸
騎留飲迭使起舞盡歡而去

西掖持醇酒東山就白雲開軒綠池映命席

唐雅卷六
紫蘭芬舞度花爲伴歌來管作羣太平多樂
事春物共氛氲

孫逖奉和聖製登鴛鴦樓卽目一首

玉輦下離宮瓊樓上半空方巡五年狩更辟
四門聰井邑觀秦墅山河念禹功停鑿留睿
作軒檻起南風

王維奉和聖製御春明樓臨右相園
亭賦樂賢詩應制一首

復道通長樂青門臨上路遙聞鳳吹喧闈識
龍輿度褰旒明四目伏檻紆三顧小苑接侯
家飛甍映宮樹商山原上碧滄水林端素銀
漢下天章瓊筵承湛露將非富民寵信以平
戎故從來簡帝心詎得迴天步

梅妃樓東賦一首

玉鑑塵生鳳奩香殄懶蟬鬢之巧梳閑縷衣
之輕練苦寂寞於蕙宮但凝思乎蘭殿信標
落之梅花隔長門而不見况乃花心颺恨柳
眼弄愁煖風習習春鳥啾啾樓上黃昏兮聽

鳳吹而回首碧雲日暮芳對素月而凝眸溫
泉不到憶拾翠之舊遊長門深閉嗟青鸞之
信修憶太液清波水光蕩浮笙歌賞燕陪從
宸旒奏舞鸞之妙曲乘畫鷁之仙舟君情繾
綣深叙綢繆誓山海而常在似日月而無休
柰何嫉色庸庸妬氣冲冲奪我之愛幸斥我
乎幽宮思舊歡之莫得想夢著乎朦朧度花
朝與月夕羞懶對乎春風欲相如之奏賦柰
世才之不工屬愁吟之未盡已響動乎踈鍾
空長嘆而掩袂躊躇步于樓東

唐雅卷第六

唐雅卷第六

唐雅卷六

三

唐雅卷第七

大明嘉靖壬子歲直隸常州府無錫縣置板

宅第部

玄宗過大哥宅一首

開元十六年十一月癸巳

魯衛情先重親賢愛轉多
冕旒豐暇日乘景
暫經過戚里申高宴
平臺奏雅歌復尋為善
樂方驗保山河

張說奉和聖製過寧王宅應制一首

進酒忘憂觀簫韶喜降尋
帝堯敦俗禮王季

唐雅卷六

一

友兄心竹苑龍鳴笛梧宮鳳繞琴大風將小
雅一字盡千金

張諤岐王山亭一首

王家傍綠池春色正相宜豈有樓臺好兼看
草樹竒石榴天上葉柳子日南枝出入千門
裏年年樂未移

魏元忠修書院學士奉勅宴梁王宅
賦得門字一首

大君敷宴賞萬乘下梁園酒助閒平樂人靈
雨露恩榮光開帳殿佳氣滿旌門願陪南岳
壽長奉北辰尊

張說脩書院學士奉勅宴梁王宅賦
得樹字一首

虎殿成鴻業猿巖題鳳賦旣荷大君恩還蒙
小山遇秋吹迎絃管涼雲生竹樹共惜朱邸
歡無辭洛城暮

武三思奉和過梁王宅卽目應制一
首

巖居多水石野宅滿風烟本謂開三徑俄欣
降九天穿林移步輦拂岸轉行旃鳳竹初垂
籜龜荷未吐蓮願持山作壽恒用劫爲年

劉憲陪幸五王宅應制一首

初睿宗五子賜第隆慶坊號五王宅明
皇爲太子製大衾長枕將與諸王共之
睿宗喜甚明皇先天後盡以隆慶舊邸
爲興慶宮因賜憲薛二王第於勝業申
岐二王第於安興環列宮側天子於西

南建樓西曰花萼相輝南曰勤政務本
北斗樞機任西京肺腑親疇昔王門下今茲
制幸晨恩光山水被聖作管絃新遶坐薰紅
藥當軒暗綠筠摘荷纔早夏聽鳥尚餘春行
漏今徒晚風烟起觀津

李又陪幸五王宅應制一首

家住千門側亭臨二水傍貴遊開北第宸睠
幸西鄉曳履迎中谷鳴絃出後堂浦疑觀萬
象峯似駐三光草向瓊筵樂花承繡屐香聖

情思舊重留飲賦雕章

鄭愔陪幸昭容院獻詩四首

景龍四年三月

十一日

地軸樓居遠天台闕路賒何如遊帝宅卽此
對仙家座拂金壺電池搖玉酒霞無云秦漢
隔別訪武陵花

堯祠姑射近漢苑建章連十五莫知月三千
桃紀年鸞歌隨鳳吹鶴舞向鷗絃更覓瓊妃
伴來過玉女泉

宮掖賢才重山林高士難不言辭輦地更有
結廬歡池棟清温燠巖窻起沍寒幽亭有仙
桂聖主萬春看

槎流天上轉茅宇禁中開河鵲填橋至山熊
避檻來庭花採棗蓐崑石步莓苔願奉蘿圖
泰長聞錦翰裁

張易之侍從過公主尚宅侍宴探得

風字應制一首

逐賞平陽第鳴笳上苑東鳥鳴千戶竹蝶舞

萬花叢時攀小山桂共挹大王風坐客無勞
起秦簫曲未終

趙彥昭奉和初春幸太平公主南莊

應制一首 景龍三年二月十一日

主第巖扃架鵲橋天門閭闔降鸞鑣歷亂旌
旂轉雲樹參差臺榭入烟霄林間花雜平陽
舞谷裏鶯和弄玉簫已陪沁水追歡日行奉
茅山訪道朝

蘇頲奉和初春幸太平公主南莊應

制一首

主第山門起灞川宸遊風景入初年鳳凰樓
下交天仗烏鵲橋頭敞御筵往往花間逢綵
石時時竹裏見紅泉今朝扈蹕平陽館不羨
乘槎雲漢邊

李邕奉和初春幸太平公主南莊應

制一首

傳聞銀漢支機石復見金輿出紫微織女橋
邊烏鵲起仙人樓上鳳凰飛流風入座飄歌

唐雅卷七
五
扇瀑水當階濺舞衣今日還同犯牛斗乘槎
共泛海潮歸

宋之問奉和初春幸太平公主南莊
應制一首

是日中宗皇帝命上官昭容品第羣臣
所賦詩以之問此詩爲冠

青門路接鳳凰臺素澹宸遊龍騎來澗草自
迎香輦合巖花應待御筵開文移北斗成天
象酒迤南山作壽盃此日侍臣將石去共歡

明主賜金迴

沈佺期奉和初春幸太平公主南莊
應制一首

主家山第早春歸御輦春遊繞翠微買地鋪
金曾作埽尋河取石舊支機雲間樹色千花
滿竹裏泉聲百道飛自有神仙鳴鳳曲併將
歌舞報春暉

李嶠奉和初春幸太平公主南莊應
制一首

主家山第接雲開天子春遊動地來羽騎參
差花外轉電旌搖曳日邊迴還將石溜調琴
曲更取峯霞入酒杯鸞輅已辭烏鵲渚簫聲
猶遶鳳凰臺

邵昇奉和初春幸太平公主南莊應
制一首

沁園佳麗奪蓬瀛翠壁紅泉繞上京二聖忽
從鸞殿幸雙仙正下鳳樓迎花含步輦空
出樹雜帷宮畫裏行無路乘槎窺漢渚徒知

訪卜就君平

趙彥昭奉和幸安樂公主山莊應制

一首 景龍三年
八月三日

六龍齊軫御朝曦雙鷁維舟下綠池飛觀仰
看雲外聳浮橋直見海中移靈泉巧鑿天孫
渚孝筍能抽帝女枝幸願一生同草樹年年
歲歲樂於斯

蕭至忠奉和幸安樂公主山莊應制

一首

西郊窈窕鳳凰臺北渚平明法駕來匝地金
聲初度曲周堂玉溜且傳杯濟路分游畫舟
轉崑門相向碧亭開微臣此時承宴樂髣髴
疑從星漢迴

李迥秀奉和幸安樂公主山莊應制

詔旦重門開警蹕傳言太主奉山林是日迴
輿羅萬騎此時歡喜賜千金鷲羽鳳簫參樂
曲荻園竹徑接帷陰手舞足蹈方無已萬年

千歲奏薰琴

劉憲奉和幸安樂公主山莊應制

主家別墅帝城隈無勞海上覓蓬萊
石懸流平地起危樓曲閣半天開庭莎作薦舞行
出浦樹相將歌棹迴此日風光與形勝祇言
併伴聖詞來

人知蕭岑義奉和幸安樂公主山莊應制

題詞重首

銀榜重樓出霧開金輿步輦向天來泉聲迥
入吹簫曲山勢遙臨獻壽杯帝女含笑流飛
電乾文動色象昭回誠願北極拱堯日微臣
抃舞詠康哉

薛稷奉和幸安樂公主山莊應制一

首

主家園囿極新規帝郊遊豫奉天儀歡宴瑤
臺鎬京集賞賜銅山蜀道移曲閣交映金精
板飛花亂下珊瑚枝借問今朝八龍駕何如

昔日望仙池

蘇頲奉和幸安樂公主山莊應制一

首

駸駸羽騎歷城池帝女樓臺向晚披露灑旌
旗雲外出風迴巖岫雨中移當軒半落天河
水遶逕全低月樹枝簫鼓宸遊陪宴日和鳴
雙鳳喜來儀

沈佺期奉和幸安樂公主山莊應制

一首

唐雅卷七
皇家貴主好神仙別業初開雲漢邊山出盡
如鳴鳳嶺池成不讓飲龍川粧臺翠幌教春
住舞閣金鋪借日懸敬從乘輿來此地稱觴
獻壽樂鈞天

李適奉和幸安樂公主山莊應制一

首

平陽金榜鳳凰樓沁水銀河鸚鵡洲綵仗遙
尋丹壑裏仙輿暫幸綠亭幽前池錦石蓮花
艷後嶺香鑪桂蕊秋貴主稱觴萬年壽還輕

漢武濟汾遊

李義府奉和幸安樂公主山莊應制

一首

疑李
又作

金輿玉輦背三條水閣山樓望九霄野外初
迷七聖道河邊忽覩二靈橋懸冰滴滴依虬
箭清吹泠泠雜鳳簫向晚平陽歌舞合前溪
更轉木蘭橈

常元旦奉和幸安樂公主山莊應制

駐河南一首

銀河南渚帝城隅帝輦平明出九衢刻鳳蟠
螭凌桂邸穿池壘石寫蓬壺瓊簫暫下鈞天
樂綺綴長懸明月珠仙榜承恩爭既醉方知
朝野更歡娛

盧藏用奉和幸安樂公主山莊應制

金輿一首

皇女瓊臺天漢潏星橋月宇創山林飛蘿半
拂銀題影瀑布環流玉砌陰菊浦香隨鸚鵡
泛簫樓韻逐鳳凰吟瑤池駐蹕思方久璧月

無文興轉深

馬懷素奉和幸安樂公主山莊應制

一首

主家臺沼勝平陽帝幸歡娛樂未央掩映瑀
窻交極浦參差繡戶繞迴塘泉聲百處傳歌
曲樹影千重對舞行聖酒一霑何以報唯欣
聖德奉時康

宗楚客奉和幸安樂公主山莊應制

一首

玉樓銀榜枕嚴城翠蓋紅旂列禁庭日映層
巖圖畫色風搖雜樹管絃聲水邊重閣含飛
動雲裏孤峯類削成幸覩八龍遊閨苑無勞
萬里訪蓬瀛

武平一侍宴安樂公主移入新宅應

制一首

景龍三年十一月一日

紫漢秦樓敞黃山魯館開簪裾分上席歌舞
列平臺馬既如龍至人疑學鳳來幸忻聯棟
萼何以接鄒枚

趙彥昭安樂公主移入新宅一首

雲物中京曉天人外館開飛橋像河漢懸榜
學蓬萊北闕臨仙檻南山送壽盃一窺輪奐
畢慚恧棟梁材

李適安樂公主移入新宅一首

星橋他日創仙榜此時開馬向鋪錢埽簫聞
奏玉臺人疑衛叔美容似長卿才借問遊天
漢誰能取石廻

沈佺期安樂公主移入新宅一首

初聞衡漢來移住斗城隈錦帳迎風轉瓊筵
拂霧開馬香遺舊埒鳳吹繞新臺爲問沉冥
子仙槎何處回

宋之問宴安樂公主宅得空字一首

英藩築外館愛主出王宮賓至星槎落仙來
月宇空玳梁翻賀燕金埒倚晴虹簫去秦臺
裏書開魯壁中短歌能駐日艷舞欲嬌風聞
有淹留處山阿滿桂叢

徐彥伯夜宴安樂公主宅一首

中宗與修文館學士宴樂賦詩每命彥
伯爲之序文彩華縟夜宴安樂公主新
第彥伯序云言容有典緝姒幄之柔規
湯沐增榮結風亭之藻漢又曰鳴璜節
佩登繡軸之瑀軒花綬香纓帶澤壺之
青璫言美駙馬也

鳳樓開闔引明光花耐連添醉益香欲知帝
女薰天貴金歌玉柱夜成行

李適夜宴安樂公主宅一首

唐詩卷一
三
銀河半倚鳳凰臺玉酒相傳鸚鵡杯若見君
平須借問仙槎一去幾時來

劉憲夜宴安樂公主宅一首

鳳軒洞戶旦新披度曲飛觴夜不疲綺綴玲
瓏河色曉珠簾隱映月華窺

崔日用夜宴安樂公主宅一首

銀燭金屏坐碧堂只言河漢動神光主家盛
明歡不極才子能歌夜未央

盧藏用夜宴安樂公主宅一首

侯家主第一時新上席華年不惜春珠缸綴
月那知夜玉竿流霞畏抵晨

馬懷素夜宴安樂公主宅一首

鳳樓窈窕凌三襲翠幌玲瓏瞰九衢復道中
宵留宴衍彌令上客想踟躕

薛稷夜宴安樂公主宅一首

秦樓宴喜月徘徊妓筵銀燭滿庭開坐中香
氣排花出扇後歌聲逐酒來

閻朝隱夜宴安樂公主宅一首

唐雅卷七
鳳凰鳴舞樂昌年蠟炬開花夜管絃半醉徐
擊珊瑚樹已聞鍾漏曉聲傳

秦對宴韋元旦夜宴安樂公主宅一首中香
主第新成銀作榜賓筵廣宴玉爲樓壺觴旣
卜仙人夜歌舞疑停織女秋

鳳對宴李迥秀夜宴安樂公主宅一首中
金榜岩堯雲裏開玉簫參差天際迴莫驚側
弁還歸路祗爲平陽歌舞催

對宴李又夜宴安樂公主宅一首
牽牛南渡象昭回學鳳樓成帝女來平旦鷓
鷺歌舞席方宵鸚鵡獻酬盃

岑羲夜宴安樂公主宅一首

金榜重樓開夜扉瓊筵愛客未言歸
嚙歡不覺銀河曉盡醉那知玉漏晞

蘇頲夜宴安樂公主宅一首

車如流水馬如龍仙史高臺十二重
天象初移漢西轉可憐歌舞夜相從

武平一夜宴安樂公主宅一首

王孫帝女下仙臺金榜珠簾入夜開
遽惜瓊筵歡正洽惟愁銀箭曉相催

劉憲侍宴長寧公主東莊一首 景龍四年

四月一日

公主林亭地清晨降玉輿
畫橋飛渡水仙閣
涌臨虛晴新看蝴蝶夏早摘芙蓉
文酒娛游盛忻叨侍從餘

鄭愔侍宴長寧公主東莊一首

公門襲漢瓌主第稱秦玉池
架祥鱣宇山吹鳴鳳曲拂席
薜蘿垂迴舟芰荷觸平陽妙舞
處日暮清歌續

李乂侍宴長寧公主東莊應制一首

紫禁乘雷動青門訪水嬉
上台鱣序慶仙女鳳樓期合宴
簪紳滿承恩雨露滋北宸還捧
日東館幸逢時

崔寔侍宴長寧公主東莊應制一首

芳園東郭外袞駕一遊盤
水榭宜時涉山樓向晚看席臨
大女貴林接近臣歡聖藻懸辰

象微臣切仰觀

李嶠侍宴長寧公主東莊應制一首

別業臨青甸鳴鑿降紫霄長筵鴛鷺集仙管
鳳凰調樹接南山近烟含北渚遙承恩咸已
醉戀賞未還鑣

李適侍宴長寧公主東莊應制一首

鳳樓紆睿幸龍舸暢宸襟歌舞平陽第園亭
沁水林山花添聖酒澗竹繞薰琴願奉瑤池
駕千春侍德音

李乂奉和幸長寧公主山莊應制一

首

平陽館外有仙家沁水園中好物華地出東
郊迴日馭城臨南斗度雲車風泉韻繞幽林
竹雨霰光搖雜樹花已慶時來千億壽還言
日暮九重賒

武后遣使宣詔幸上苑一首

天授二年臘卿相欲詐稱花發請幸上
苑有所謀也許之尋疑有異圖乃遣使

宣詔云云於是凌晨名花布苑羣臣咸服其異

明朝遊上苑火速報春知花須連夜發莫待曉風吹

儲光羲玉真公主山居一首

山北天泉苑山西鳳女家不言沁園好獨隱武陵花

王維奉和聖製幸玉霄公主山莊因題石壁十韻之作應制一首

碧落風烟外瑤臺道路賒如何連帝苑別自有仙家
比地迴鸞駕緣溪轉翠華洞中開日月窓裏發雲霞
庭養沖天鶴溪留上漢查種田生白玉泥竈化丹砂
谷靜泉逾響山深日易斜御羹和石髓香飯進胡麻
大道今無外長生詎有涯還瞻九霄上來往五雲車

張說奉和幸韋嗣立山莊侍宴應制

一首

嗣立山莊在驪山鸚鵡谷景龍三年十

二月十四日中宗皇帝幸之嗣立立獻
食百輦及木器藤盤等物上封爲逍遙
公名其原曰清虛原名其谷曰幽棲谷
中宗留詩從臣屬和嗣立並鐫于石請
張說爲之序薛稷書之序曰兵部尚書
同中書門下三品修文館大學士常公
體含真靜思協幽曠雖翊亮廊廟而緬
懷林藪東山之曲有別業焉嵐氣入野
撲烟出谷石潭竹岸松齋藥畹虹泉電

射雲木風吟恍惚疑夢間關忘術茲所
謂丘壑夔龍衣冠曹許幸溫泉之歲也
皇上聞而賞之迺命掌舍設帟金吾劃
次太官載酒奉常抱樂停輿輦於青靄
佇翬楡於紫雲百神朝於谷口千官飲
乎池上緹騎環山朱旆焰野縱觀空巷
途歌傳壑是日卽席拜公道遙公名其
居曰清虛原幽棲谷景移樂極天子賦
詩王后帝女宮嬪邦媛歌焉和焉以寵

德也加以中宮敦序謂我諸兄引內子
於重幄見兒童於行殿家人之禮優棠
棣之詩作於是實其筐筥下以昭忠信
之獻賁其束帛上以示慈惠之恩朝野
歡并君臣義洽夫飛翠華歷茨道至道
之主也紆紫綬期赤松素履之輔也千
載一時難乎此遇故兩曜合舍衆星聚
德雅道光華高風允塞寒谷煦景窮崖
潤色猗歟盛事振古未有篆之玄石貽

我厥後

寒灰飛玉琯湯井駐金輿旣得方明相還尋
大隗居懸泉珠貫下列帳錦屏舒騎遠林逾
密笳繁谷自虛門旗塹復磴殿幕表通渠舞
鳳隨公主雕龍起婕妤地幽天賞洽酒樂御
筵初菲才叨侍從連藻媿應徐

劉憲奉和幸肅嗣立山莊侍宴應制

一首

東山有謝安枉道鳴和鸞緹綺分初日霓旌

度曉寒雲蹕巖間下虹橋澗底盤幽棲俄似
屆聖矚宛餘觀崖懸飛溜直岸轉綠潭寬桂
華堯酒冷松響舜絃彈明主恩斯極賢臣節
更殫不才叨侍從詠德以濡翰

蘇頌奉和幸常嗣立山莊侍宴應制

一首

縱金寒墅霽步玉曉山幽帝幄期松子匡廬
訪葛侯百工徵徃夢七聖扈來遊斗柄乘時
轉台階捧日留樹重巖瀨合泉迸水光浮石

徑喧朝履璜溪擁釣舟恩光犯星夜歡擬濟
河秋不學堯年隱空令傲許由

沈佺期奉和幸常嗣立山莊侍宴應

制一首

鼎臣休翰隙方外結遐心別業青霞境孤潭
碧樹林每遷東墅策遙弄北溪琴帝幸行時
豫台園賞歲陰移鑿明月沼張樂白雲岑御
酒瑤觥落仙壇竹徑深三章懸聖藻五等冠
朝簪自愧承恩盛咸言獨在今

盧僕奉和幸韋嗣立山莊侍宴應制

一首

風后軒皇佐雲峯謝客居承恩來翠嶺締賞
出丹除飛蓋雙溪寂清笳玉洞虛窺巖詳霧
豹過水略泉魚鄉入無何有時還上古初伊
臯羞過狹魏丙服粗踈白雪緣情降青霞落
卷舒多慙郎署在輕繼國風餘

宋之問奉和幸韋嗣立山莊侍宴應

制一首

樞掖調梅暇林園藝槿初入朝榮劍履退食
偶琴書地隱東巖室天廻北斗車旌門臨窅
窈閣道屬扶踈雲漢明丹壑霜笳徹紫虛水
疑投石處溪似釣璜餘帝澤頒卮酒人歡頌
里閭一承黃竹詠長奉白茆居

趙彥昭奉和幸韋嗣立山莊侍宴應

制一首

賢族唯題里儒門但署鄉何如表巖洞宸翰
發輝光地在茲山曲家隣郤水陽六龍駐旌

八唐雅卷七
罨四牡耀旂常北斗臨台坐東山入廟堂天
高羽翼近主聖股肱良野竹池亭氣村花澗
谷香縱然懷豹隱空愧躡鴛行

崔湜奉和幸常嗣立山莊侍宴應制

皇國一
一首

丞相登前府尚書啓舊林式閭明主意榮族
聖嬪心川狹旌門抵巖高蔽帳臨閑窻憑柳
暗小徑入松深雲卷千峯色泉和萬籟吟蘭
迎天女珮竹礙侍臣簪宸翰三光燭朝榮四

海欽還嗟絕機叟白首漢川陰

李乂奉和幸常嗣立山莊侍宴應制

一首

台階好赤松別業對青峯茅室承三顧花源
接九重龍旂瑩秀木鳳輦拂踈筇逕狹千官
擁溪長萬騎容水堂開禹膳山閣獻堯鍾皇
覽清居遠天文睿獎濃崑泉他日夢魚釣往
年逢共榮丞相府偏降逸人封

武平一奉和幸常嗣立山莊侍宴應

制一首

三光迴斗極萬騎肅鈎陳地若遊汾水畋疑
歷渭濱圓塘冰寫鏡遙樹露成春絃奏魚聽
曲機忘鳥狎人築巖思感夢礧石想垂綸落
景搖紅壁層陰結翠筠素風紛可尚玄澤藹
無垠薄暮清笳動天文煥紫宸

李嶠奉和幸常嗣立山莊侍宴應制

一首

南洛師臣契東周王佐林幽情遺綬冕宸眷
屬樵漁制下峒山蹕恩回灞水輿松門駐旌
蹕薛幄引簪裾石磴平黃陸烟樓半紫虛雲
霞仙路近琴酒俗塵踈喬木千齡外懸泉百
丈餘崖深經鍊藥穴古舊藏書樹宿搏風鳥
池潛縱壑魚寧知天子貴尚憶武侯廬

李乂奉和聖製幸常嗣立山莊應制

一首

曲榭回廊繞澗幽飛泉瀆水溢池流祗應感
發明王夢遂得邀迎聖主遊

沈佺期奉和聖製幸常嗣立山莊應
制一首

東山朝日翠屏開北闕晴空綵仗來喜遇天
文七曜動少微今夜近三台

李嶠奉和聖製幸常嗣立山莊應制

萬騎千官擁帝車八龍三馬訪仙家鳳凰原
上窺青壁鸚鵡杯中弄紫霞

趙彥昭奉和聖製幸常嗣立山莊應
制一首

廊廟心存巖壑中鑿輿矚在霸城東逍遙自
有蒙莊子漢主徒言河上公

武平一奉和聖製幸常嗣立山莊應
制一首

鳴鑿赫奕下重樓羽蓋逍遙向一丘漢日唯
聞白衣寵唐年更覩赤松遊

蘇頲奉和聖製幸常嗣立山莊應制

一首

唐詩卷七
樹色參差隱翠微，泉流百尺向空飛。傳聞此處投竿佐，遂使茲辰扈蹕歸。

張說奉和聖製幸韋嗣立山莊應制

西京上相出扶陽，東郊別業好池塘。自非仁智符天賞，安能日月共迴光。

沈佺期奉和聖製幸禮部尚書竇希

玠宅應制一首 景龍四年四月六日

北闕垂旒暇，南宮聽禮迴。天臨降鳳轉，恩向

躍龍開。蘭氣熏仙帳，榴花引御盃。水從金穴吐，雲是玉衣來。池影搖歌席，林香散舞臺。不知行漏晚，清蹕尚徘徊。

蘇頲奉和聖製幸禮部尚書竇希玠

宅應制一首

尚書列侯第，外戚近臣家。飛棟臨清綺，迴輿轉翠華。日交當戶樹，泉漾隔池花。圓頂圖嵩石，方流擁魏沙。豫遊今聽履，侍從昔鳴笳。自有天文降，無勞訪海槎。

張說侍宴武三思山第賦得風字韻

一首

梁王池館好曉日鳳樓通竹町羅千衛蘭筵
降兩峯清歌芳樹下妙舞落花中臣學筵中
聽還如大國風

王維從岐王過楊氏別業應教一首

楊子談經所淮王載酒過興闌啼鳥換坐久
落花多逕轉迴銀燭林開散玉珂嚴城時未
啓前路擁笙歌

唐雅卷第七

